





# IN FESTO

PURISSIMI CORDIS BEATÆ MARIÆ VIRGINIS

DUPLEX MAJUS

OFFICIUM ET MISSA APPROBAT. A. S. R. C.

DIE 21 JULII 1855.

---

AD VESPERAS.

*Antiph. et Cap. de Laudibus. Psalmi ut in Officio parvo.  
Hymnus. = Ave Maris Stella.*

ŷ. Exulta in omni corde, filia Jerusalem :  
R̄. Rex Israel Dominus in medio tui.

*Ad Magnif. Ant.* Exultavit cor meum in Domino et exaltatum est cornu meum in Deo meo, quia lætata sum in salutari tuo.

ORATIO.

**O**mnipotens sempiterne Deus, qui in Corde Beatæ Mariæ Virginis dignum Spiritus Sancti habitaculum præparasti, concede propitius ut ejusdem Purissimi Cordis festivitatem devota mente recolentes, secundum Cor tuum vivere valeamus. Per Dominum.

AD MATUTINUM.

*Invitat.* Ave Maria gratia plena \* Dominus tecum.  
*Psalmus.* Venite exultemus Domino.  
*Hymnus.* Quem terra, pontus, sidera etc.



## IN I. NOCTURNO.

*Ant.* Benedicta tu inter mulieres, et benedictus fructus ventris tui.

*Psalmi ut in Officio parvo B. Mariæ.*

*Ant.* Et ait Maria: Magnificat anima mea Dominum, et exultavit spiritus meus in Deo salutari meo.

*Ant.* Quia respexit humilitatem ancillæ suæ: ecce enim ex hoc beatam me dicent omnes generationes.

ŷ. Anima mea liquefacta est:

ñ. Ut locutus est dilectus.

## De Canticis Canticorum.

*Lectio I.**Cap. 4.*

Quam pulchra es amica mea, quam pulchra es! oculi tui columbarum, absque eo quod intrinsecus latet. Sicut vitta coccinea labia tua, et eloquium tuum dulce. Sicut fragmen mali punici, ita genæ tuæ, absque eo quod intrinsecus latet. Sicut turris David collum tuum, quæ ædificata est cum propugnaculis: mille clypei pendent ex ea, omnis armatura fortium. Vulnerasti cor meum, Soror mea Sponsa, vulnerasti cor meum, in uno oculorum tuorum, in uno crine colli tui. Favus distillans labia tua Sponsa, mel et lac sub lingua tua. Hortus conclusus, fons signatus. Tu autem.

ñ. Deduc me, Domine, in via tua, et ingrediar in veritate tua: lætetur cor meum \* Ut timeat nomen tuum.

ŷ. Pone me ut signaculum super cor tuum, ut signaculum super brachium tuum. Ut timeat.

*Lectio II.**Cap. 5.*

Veni in hortum meum Soror mea Sponsa: messui myr-

rrham meam cum aromatibus meis: comedi favum cum melle meo. Vox dilecti mei pulsantis: aperi mihi soror mea, amica mea, columba mea, immaculata mea, quia caput meum plenum est rore, et cincinni mei guttis noctium. Surrexi ut aperirem dilecto meo, manus meæ stillaverunt myrrham, et digiti mei pleni myrrha probatissima. Aperui dilecto meo, at ille declinaverat atque transierat. Anima mea liquefacta est, ut locutus est. Tu autem.

ñ. In Domino gaudebo, et exultabo in Deo Jesu meo: Deus Dominus fortitudo mea \* Super excelsa deducet me.

ŷ. Læva ejus sub capite meo, et dextera illius amplexabitur me. Super.

*Lectio III.**Cap. 5 et 6.*

Qualis est dilectus tuus ex dilecto, o pulcherrima mulierum: qualis est dilectus tuus ex dilecto, quia sic adjurasti nos? Dilectus meus candidus et rubicundus, electus ex millibus, totus desiderabilis. Talis est dilectus meus, et ipse est amicus meus, filiæ Jerusalem. Quo abiit dilectus tuus o pulcherrima mulierum? Quo declinavit dilectus tuus? et quæremus eum tecum. Pulchra es amica mea, suavis et decora sicut Jerusalem, terribilis ut castrorum acies ordinata. Una est columba mea, perfecta meâ, una est matris suæ, electa genitrici suæ. Viderunt eam filiæ, et beatissimam prædicaverunt, et reginæ laudaverunt eam. Tu autem.

ñ. Inveni gratiam apud oculos tuos, Domine mi, \* Qui consolatus es me, et locutus es ad cor ancillæ tuæ.

ŷ. In toto corde meo exquisivi te, ne repellas me a mandatis tuis. Qui consolatus. Gloria Patri. Qui consolatus.

## IN II. NOCTURNO.

*Ant.* Beata, quæ credidisti, quoniam perficientur ea quæ dicta sunt tibi a Domino.

*Ant.* Fecit mihi magna qui potens est, et sanctum nomen ejus.

*Ant.* Fecit potentiam in brachio suo, dispersit superbos mente cordis sui.

ŷ. Fortis es ut mors dilectio.

Ṛ. Dura sicut infernus æmulatio.

### Sermo Sancti Bernardini Senensis.

#### *Ex Serm. 9. de Visitatione.*

#### *Lectio IV.*

Quis mortalium, nisi divino fretus oraculo, de vera Dei et hominis Genitricæ quidquam modicum, sive grande præsumat pollulis labiis nominare: quam Pater ante sæcula Deus perpetuam prædestinavit in Virginem dignissimam: Filius elegit in Matrem: Spiritus Sanctus omnis gratiæ domicilium præparavit? Quibus verbis ego homunculus sensus altissimos Virginei Cordis, sanctissimo ore prolatos efferam; quibus non sufficit lingua omnium hominum, et etiam angelorum? Dominus enim ait: bonus homo de bono thesauro cordis sui profert bona. Quis autem inter puros homines melior homo potest excogitari, quam illa, quæ meruit effici Mater Dei, quæ in Corde et in utero suo ipsum Deum hospitata est? Quis thesaurus melior, quam ipse divinus amor, quo Cor Virginis ardens erat? Tu autem.

Ṛ. Ego diligentes me diligo, et qui mane vigilant ad me, invenient me. Mecum sunt divitiæ et gloria: \* Opes superbæ et justitia.

ŷ. Ut ditem diligentes me et thesauros eorum repleam. Opes.

#### *Lectio V.*

De hoc igitur Corde quasi fornace divini ardoris Virgo Beata profulit verba bona, id est verba ardentissimæ charitatis. Sicut enim a vase optimo vino pleno non potest exire nisi optimum vinum: aut sicut a fornace summi ardoris non egreditur nisi incendium fervens; sic de Corde Matris Christi exire non potuit verbum, nisi summi, summeque divini amoris atque ardoris. Septem verba tantum miræ sententiæ et virtutis à Christi benedictissima Matre leguntur dicta. Cum Angelo bis tantum locuta est. Cum Elisabeth, bis etiam. Cum Filio etiam bis. Cum ministris in nuptiis semel. Hæc septem verba, secundum septem amoris actus, sub miro gradu et ordine prolata, quasi sunt septem flammæ Cordis ejus. Tu autem.

Ṛ. Ego Mater pulchræ dilectionis, et timoris, et agnitionis et sanctæ spei. In me gratia omnis viæ et veritatis \* In me omnis spes vitæ et virtutis.

ŷ. Transite ad me omnes qui concupiscitis me, et a generationibus meis implemini. In me omnis spes.

#### *Lectio VI.*

Quæ verba considerans mens devota, cum ipso Propheta ait: Quam dulcia faucibus meis, id est omnibus affectionibus eloquia tua! Porro dulcedo hæc, quam in verbis Beatæ Virginis devota mens sentit, est ardor piæ devotionis, quam in eis anima experimentaliter probat. Distinguamus igitur per ordinem has septem flammæ amoris, verborum Virginis benedictæ Prima est flamma amoris separantis. Secunda amoris transformantis. Tertia amoris communicantis. Quarta amoris jubilantis. Quinta amoris soporantis. Sexta amoris compatientis. Septima amoris consummantis. Tu autem.

℞. Beatus homo, qui audit me, et qui vigilat ad fores meas quotidie et observat ad postes ostii mei. \* Qui me invenerit inveniet vitam, et hauriet salutem à Domino.

ŷ. Qui autem in me peccaverit, lædet animam suam. Omnes qui me oderunt, diligunt mortem. Qui me.

Gloria Patri. Qui me.

IN III. NOCTURNO.

Ant. Unde hoc mihi, ut veniat Mater Domini mei ad me?

Ant. Misericordia ejus à progenie in progenies timen-  
tibus eum.

Ant. Suscepit Israel puerum suum, recordatus misericordiae suae.

ŷ. Ego dilecto meo.

℞. Et ad me conversio ejus.

Lectio Sancti Evangelii secundum Lucam.

Lectio VII.

Cap. II.

In illo tempore: dixit Mater Jesu ad illum; Fili quid fecisti nobis sic? Ecce Pater tuus et ego dolentes quære-  
bamus te. Et reliqua.

De Homilia Ven. Bedae Presbyteri.

In Homil. Hyem. de Temp. Dom. I. post Epiph.

Mater ejus, inquit Evangelista, conservabat omnia verba hæc in Corde suo. Omnia quæ de Domino vel a Domino

dicta, sive acta cognoverat Mater Virgo, diligentius in Corde retinebat, sollicite cuncta memoriæ commendabat, ut cum demum tempus prædicandæ, sive scribendæ Incarnationis ejus adveniret, sufficienter universa, prout essent gesta, posset explicare quærentibus. Imitemur et nos, Fratres mei, piam Domini Matrem, ipsi quoque omnia verba et facta Domini ac Salvatoris nostri fixa in corde conservando. Tu autem.

℞. Aquæ multæ non potuerunt extinguere charitatem: \* Neque flumina obruent eam.

ŷ. Si dederit homo omnem substantiam domus suæ pro dilectione, quasi nihil despiciet eam. Neque.

Lectio VIII.

Horum Domini verborum et actorum meditatione diurnâ et nocturnâ importunos inanum nocentiumque cogitationum repellamus incursus: horum crebra collatione et nos et proximos nostros a fabulis supervacuis, et male dulcoratis detractionum colloquiis castigare, atque ad divinæ frequentiam laudis accendere curemus. \* Si enim fratres carissimi, in futuri beatitudine sæculi habitare in domo Domini, ac perpetuo illum laudare desideramus, oportet nimirum et in hoc sæculo, quod in futuro quæramus, sollicite præmonstremus: frequentando videlicet Ecclesiæ limina, et non solum in ea laudes Domini canendo, sed et in omni loco dominationis ejus ea, quæ ad laudem gloriæque conditoris nostri proficiant, verbis pariter ac factis ostendendo. Tu autem.

℞. Spiritus meus super mel dulcis, et hæreditas mea super mel et favum. Qui audit me non confundetur. \* Et qui operantur in me non peccabunt.

ŷ. Qui elucidant me vitam æternam habebunt. Et qui.  
Gloria Patri. Et qui.

## Lectio IX.

*De Homilia Dominicæ occurrentis, sed si extra Dominicam agi de hoc Festo contingat, tunc Lectio IX. incipiet ab asterisco posito supra Lectione VIII.*

Te Deum laudamus.

## AD LAUDES

ET PER HORAS.

*Ant.* Trahe me post te curremus in odorem unguentorum tuorum.

*Psalmus.* Dominus regnavit—*cum reliquis de Dominica.*

*Ant.* Dilectus meus loquitur mihi: surge, propera, amica mea.

*Ant.* Fulcite me floribus, stipate me malis: quia amore languo.

*Ant.* Adjuro vos, filiæ Jerusalem, ne suscitatis dilectam quoadusque ipsa velit.

*Ant.* Ego dormio, et cor meum vigilat.

*Capitulum.*

*Cant. C. 8.*

**P**one me ut signaculum super Cor tuum, ut signaculum super brachium tuum, quia fortis est ut mors dilectio, dura sicut infernus æmulatio. Lampades ejus lampades ignis, atque flammaram.

HYMNUS.

O gloriosa Virginum.....

̄. Qui me invenerit inveniet vitam:

̄. Et hauriet salutem a Domino.

*Ad Benedictus Ant.* Extollens vocem quædam mulier de turba dixit illi: beatus venter qui te portavit et ubera quæ suxisti.

ORATIO.

**O**mnipotens sempiterne Deus, qui in Corde Beatæ Mariæ Virginis dignum Spiritus Sancti habitaculum præparasti, concede propitius ut ejusdem purissimi Cordis festivitatem devota mente recolentes, secundum Cor tuum vivere valeamus. Per Dominum.

AD PRIMAM.

̄. *Breve.* Christe Fili Dei vivi.

̄. Qui natus es de Maria Virgine. *Ad Absolutionem Capituli lectio brevis.* In omni terra, ut infra ad Nonam.

AD TERTIAM.

*Ant.* Dilectus meus.

*Cap.* Pone me ut signaculum.

̄. *br.* Anima mea \* Liquefacta est. Anima.

̄. Ut locutus est dilectus. Liquefacta est.

Gloria Patri, et Filio, et Spiritui Sancto. Anima mea.

̄. Fortis es ut mors dilectio:

̄. Dura sicut infernus æmulatio.

AD SEXTAM.

*Ant.* Fulcite.

*Cap.*

*Eccli. 24.*

**E**go ex ore Altissimi prodivi, primogenita ante omnem

creaturam, ego feci in cœlis, ut oriretur lumen indeficiens, et sicut nebula texi omnem terram.

ñ. *br.* Fortis est \* Ut mors dilectio Fortis.

ÿ. Dura sicut infernus æmulatio. Ut mors.

Gloria Patri, et Filio, et Spiritui Sancto. Fortis est.

ÿ. Ego dilecto meo.

ñ. Et ad me conversio ejus.

### AD NONAM.

*Ant.* Ego dormio.

*Cap.*

*Eccli. 24.*

In omni terra steti, et in omni populo, et in omnibus requiem quæsivi, et in hæreditate Domini morabor.

ñ. *br.* Ego \* Dilecto meo. Ego.

ÿ. Et ad me conversio ejus. Dilecto meo.

Gloria Patri, et Filio, et Spiritui Sancto. Ego dilecto meo.

ÿ. Qui me invenerit inveniet vitam.

ñ. Et hauriet salutem a Domino.

### IN SECUNDIS VESPERIS.

*Omnia ut in primis.*

ÿ. Viam mandatorum tuorum cucurri:

ñ. Cum Dilatasti Cor meum.

*Ad Magnificat. Antif.* Exultavit Cor meum in Deo salutari meo: quia fecit mihi magna qui potens est.

## REGNI HISPANIARUM.

Serenissima Regina Catholica, Elisabeth II, æmulatura pia studia illorum ex Regibus Hispaniæ, qui Beatissimam Virginem Mariam tenerrimo filiali affectu venerantes, Illius cultum in dies magis promovere inter gentes sibi subditas concupiverunt, ut Deiparæ patrocínio, novo obsequio implorato, feliciter Sui Status res singulæ procedant, Sanctissimum Dominum Nostrum Pium Papam IX. suppliciter exoravit, ut de Apostolica Benignitate in omnibus Ditionibus Hispaniæ amodò recoli valeat de præcepto Festum Purissimi Cordis Deiparæ Dominicâ tertiâ post Pentecostem, vel Dominicâ post Octavam Assumptionis, cum Officio et Missa propriis a Sancta Sede approbatis die 21 Julii anni 1851. Hæc porro tam fervida vota Sanctitas Sua peramanter excipiens, anpuere dignata est ut in omnibus Dominiis Serenissimæ Reginæ Catholicæ a Clero Sæculari et Regulari, nec non a Sanctimonialibus cujuscumque Instituti, alterutra ex enunciatis Dominicis, ritu duplici majori persolvatur Officium proprium cum Missa Purissimi Cordis Beatæ Mariæ Virginis; ac insuper indulisit, ut hoc Festum transferri valeat cum officio et Missa ad primam sequentem diem liberam, quibus annis juxta Decreta in propria sede locum habere nequit, dummodò Rubricæ servantur. Contrariis non obstantibus quibuscumque. Die 26 Junii 1862.

C. Episcopus Portuen. et S. Rufinæ Cardinalis Patrici, S. R. C. Præfectus.=(Hay un sello.)=D. Bartolini, S. R. C. Secretarius.



Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.



